

沈乃文 主編

明別集叢刊 第一輯

第二十七冊

黃山書社




沈乃文 主編

明別集叢刊 第一輯

第二十七冊

黃山書社



(明) 金幼孜 撰

金文靖集十卷

清乾隆寫文淵閣四庫全書本

欽定四庫全書

集部
金文靖集卷一

詳校官編修臣裴謙

中書臣劉源溥覆勘

總校官進士臣朱鈐

校對官中書臣楊世倫

謄錄監生臣王聞

欽定四庫全書

集部六

金文靖集

別集類五
明

提要

臣等謹案金文靖集十卷明金幼孜撰幼孜有北征錄已著錄幼孜在洪武建文之時無所表見至永樂以訖宣德皆掌文翰機密與楊士奇諸人相亞其文章邊幅稍狹不及士奇諸人之博大而雍容雅步頗亦有隨蓋其

欽定四庫全書

金文靖集
提要

時明運方興故廊廟賡颺具有氣象操觚者亦不知也千頃堂書目載幼孜集十卷又外集一卷又北征集一卷今外集未見朱彛尊靜志居詩話稱其北征集大漠窮沙靡不身歷時露悲壯之音則彛尊猶及見之今亦未見是編為其子昭伯所輯詩文多應制之作蓋即黃虞稷所謂十卷之本別冠以三朝恩榮錄一卷則其勅諭誥命祭文像贊神道碑

之屬幼孜事蹟已詳明史核以本傳此錄多
其子孫誇侈之詞無關考證今刪去不載惟
以本集著錄焉乾隆四十六年三月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

金文靖集
提要

二

欽定四庫全書

金文靖集卷一

明 金幼孜 撰

五言古詩

長林書屋為學士胡公賦

我昔遊青原聞子廬滄洲近瞰芙蓉山遙睇大江流繞
屋植嘉木開軒面良疇繁陰奪炎夏爽氣迴高秋庭除
烏雀靜白日人事幽牙籤積架上縹帙盈案頭講誦窮

欽定四庫全書

金文靖集
卷一

一

晝夜奮力追前脩羣言極探索小大悉搜求藏脩既有
時俛仰隨所由朝吟倚蒼竹夕覽登高樓援琴酌白酒
盍簪聚朋儔抽毫落風雨揮劍拂斗牛一朝齒鄉校戰
藝即見收高舉薄霄漢遠覽帝王州匡時展經術所志
在伊周清華職論思秉筆贊鴻猷步趨邇禁闥顧問紆
宸旒侍從十五載荷蒙恩寵優去年省桑梓偶得尋舊
丘徘徊撫林木感歎非昔遊滄波去浩浩白雲日悠悠
鹿門未有期小山不可留臨風駐遐想悵恍增煩憂因

之寄圖書聊復寫綢繆尚期返初服白首同歸休

辭劍圖為學士胡公賦

楚平席僭偽任邪斥忠良伍奢既就烹子胥遂奔亡出
疆適吳會追者何太忙行行至江潯欲渡津無梁邂逅
得漁父哀窮濟以航感此脫危厄解劍聊為償父也義
不受長揖增慨慷嗟彼囊中人結交布周行勿顯哲莫
逆笑談出肝腸一朝嬰禍患變情非故常父也諒非舊
急難卹助勸利害等絲髮萬金一毫芒高風振頽俗百
世仰餘光夫子尚志節撫圖不能忘寫之置座隅懷古
意何長斯人不可見三復涕沾裳

清白堂為楊庶子賦

關西昔華胄太尉古名臣直節照簡冊清風動冠紳遂
令千載下流光播無垠偉哉建安派閥閥何嶙峋夫子
負傑特學術孰與倫蜚聲起庠序高步凌風雲決科振
場屋射策登紫宸詞垣清切地列職逾十春瞻依近日
月蒙被恩寵新從容念先訓所志在忠勤於焉揭華扁

欽定四庫全書

金文靖集

二

大藻麗青旻左右列圖史退休時討論度空絕私謁來
往稀迴輪兢兢慎履栗栗保貞純永壺湛秋月玉雪
含幽芬匪圖淑來裔庶以希前人蹇予忝侍從託交誼
彌敦耿耿懷補報恒恐貽緇磷登堂仰休聞企瞻愧後
塵作詩寓衷曲聊以申同寅

惠迪齋為臨川劉紀賦

西江有佳士文采何陸離少小入庠序所習書與詩兢
兢循軌則抑抑謹威儀順理身逾泰寡欲心自怡匪茲

欽定四庫全書

金文靖集

三

卜休咎實以嚴操持天地有常運寒暑不違時生人有
常道所志在秉彝內省苟無愧安命復奚疑愚者昧厥
理蹈險去坦夷違天伐恒性倒行兼逆施一朝罹顯罰
寧復救顛危所以古賢聖懇懇垂訓辭齋居託令名進
脩誠在斯績學匪空言力行思有為乃者辭鄉邑吐氣
凌虹霓振衣遊太學揖讓何委蛇及茲被寵命筮仕固
有期直道苟不同志行寧有虧努力慎朝夕永保期弗
隳

酌泉齋為嘉靜吳員外乃弟賦

昔有吳刺史飲泉著清聲廉貪勵高節千載揚芳馨聞
孫家淦曲結屋依巖高青山列戶牖嘉木羅前楹流泉
出砌下一碧湛泓渟齋居誦遺訓仰止思繼承白雲陰
芳潤皓月涵虛明永日愜幽賞頓仰挹清泠一酌祛煩
慮再酌怡神形三酌沁肌骨頓使心目清匪茲樂澹泊
實以固幽貞嗟彼寰中人胡乃獨營營沉酣嗜麴蘖夜
旦了不醒視此酌泉者寧不畏惕驚寒子慕脩潔清華
欽定四庫全書
全文明集
卷一
四
邇蓬瀛幸茲遠氛濁漱滌瓊瑤英凜焉對冰雪朝夕懷
兢兢誓圖堅晚節補報竭忠誠因斯發佳詠聊以寄高
情

贈李伯高司訓還廬陵

廬陵古名郡風俗天下聞卓哉歐陽子奮發振斯文聲
光被後世至今仰餘芬惟子企前軌力學究典墳棲遲
三十載布衣誰與羣忽茲薦舉我冠上金門授以郡
博士文采耀青雲今晨別我去悵然惜解分臨歧重握

手酌以白玉尊朔風吹浩浩雨雪何紛紛抽帆上南浦
行行近青原及家固云樂况乃親弟昆寒子荷恩遇謬
忝職禁垣西江未同返遙睇瞻丘園解佩為子贈聊復
申好言勗哉繼先達浮名何足論

梅憲為教授金原祺賦

嚴冬閉雲陰衆卉各摧折瑤樹粲佳花綽約凌冰雪君
子秉文教終歲擅高潔宜期謝春榮所志堅晚節觴詠
日逍遙琴書足娛悅願言保貞姿庶以紹先烈

欽定四庫全書

全文明集

五

三友軒為德清鈕允高賦

種樹必嘉種取友必端士常木無堅姿泛交少恒志之
子慕清貞列植異凡卉直幹倚脩節孤芳挺蒼翠冰雪
誓不渝並立凌寒歲覽物尚如此託交寧有異君子思
賤貧小人懷勢利管鮑夫何如此道久淪棄尚期秉金
石庶以敦高誼

郊祀齋宿翰林奉東諸同寅

大郊屆嚴祀致齋玉堂署衣冠集寮案及此諧良晤焚

香對蒼竹促席坐深戶東風昨夜來屋雪消餘涸庭草
抽細芽新條發幽樹感茲節候殊忽令鬢成素顧惟負
簡陋樸樸慙虛譽未能寡尤悔但恐辜恩遇幸茲同職
業規益賴深助清談夜未央澹然銷衆慮對越實在茲
寧敢忘祗懼將事期無數庶以答神祐

魯林懷思詩為太常孔克准賦

尼山誕元聖大道斯以彰刪述著彞典筆削明王章冠
冕照日月端拱居廟堂禮樂極崇報萬世垂耿光闕里

欽定四庫全書

金文靖集

六

建東魯闕閤何煌煌詩書啟華胄奕葉揚芬芳迢迢姑
蔑墟遺澤久彌昌於焉有裔孫妙齡際時康一朝被恩
眷超擢居太常青雲耀簪紱儀羽邁鵷行眎彼洙與泗
源深流且長惕焉企先躅引領增慨慷豈無蘋蘩薦道
遠不得將雲山浩漫漫古林鬱蒼蒼徘徊感霜露惻愴
悲中腸寫圖寓深臆懷思固難忘願言紹先緒庶以慰
所望

梅所詩 有序

永豐嚴所安氏負耿介之資抱通明之學於世無所

嗜好而獨愛夫梅之清潔乃于所居種梅數十株日
與相對以樂其性情蓋有終焉山林之意遂名其室
曰梅所既而所安宦游于外者幾二十年其心神夢
寐無一日而不在於梅者間來京師求子作詩以寫
其歲寒之思夫梅於植物中最高潔有幽獨貞介
之操無纖穠軟媚之態古人以之比其德君子豈苟
然而已哉今所安年逾七袞志彌篤而操彌堅特立
之行凜然而不可奪誠可謂名實相符者矣為作梅
所詩其詞曰

欽定四庫全書

金文靖集

七

君子謝時好幽居恒晏如開軒種梅樹宛若臨西湖託
根既得所不受纖塵汙歲寒濯冰雪粲粲明肌膚幽芳
襲圖史疎影交座隅於焉企高潔澹泊聊自娛一朝領
文教中道異所趨夢寐二十載延想徒踟躕素心諒可
託白首期不渝他時幸歸老庶以返其初

雪梅為壻袁大鵬賦

憶昨家居時種梅繞書屋歲寒綻佳花滿林散芬馥王
肌耀彩雲縞袂承朝旭把卷時相親巡簷看不足一朝
上蓬萊幽賞更難復耿耿懷不忘夢寐在林谷偶然披
畫圖覽翫增踟躕維子愛重之結交誼尤篤無為媚治
容汨沒隨流俗脩潔慎自持予以保貞獨掛冠倘可期
吾將返初服

輓呂處士禮部尚書震之父

藍田貴名胄世德重高門處士樂嘉遯夙昔行誼敦棲

欽定四庫全書

金文靖集

卷一

遲托韋布所志在丘園積善逾懃懃裕後尤諄諄賢嗣
奉明訓績學希前聞發身耀科第踐歷揚清芬操持厲
冰雪穆若春陽溫南宮進華秩廊廟資經綸厚祿遂榮
養寵錫尤績紛詎期慘風木銜哀竟無言聖情重褒卹
錫命賁九原存歿被光耀感此天地恩述德表貞石遺
風儼猶存作詩寓哀些于以告後昆

雅集圖為鄒侍講仲熙賦

王氏昔貴盛幽賞寓西園佳花雜芳卉脩篁陰叢蘭

瑤林鬱深秀亭榭無罨氣時雨被繁綠好鳥鳴間關興
言念君子列籍聯衣冠光風汎瑤席餘靄襲芳樽豆蓬
既有序詠歌何紛紜杯至迭酬酢劇談有餘歡揮麈睇
飛鴻解纓濯流泉援琴度逸響灑翰生雲烟夷曠各有
得意適欲忘言遺風寄圖畫高致邈難攀蘭亭世已遠
所托在斯文蘇黃去已久光價重璵璠撫事增永歎徒
此懷清芬

此圖自東坡潁濱山谷而下凡十有三人西園乃晉

欽定四庫全書

金文靖集

卷一

卿之別墅也當時宴集於此李伯時寓此為圖以傳
於世仲熙此圖特其模本耳

題楊諭德畫竹

楊子居巷南閉門絕車馬種竹不計年濃深密相亞朝
回解冠珮對之極瀟灑簷端落晴雪涼籟含深夜我時
一相過絃琴坐其下得句寫琅玕笑歌傾盞等冰霜歡
遲暮寒暑頻代謝悠悠十五載念子知音者兩京昨睽
違良晤此傾寫玉堂燈火寒看竹仍題畫

貞壽堂詩

白壁易為玷寡居少完節宛宛令母儀娟娟抱幽潔二十失所天中道遭飢餓兼心靡他適誓死弗回折高堂何巍巍翠柏凌霜雪遐齡介耆壽莫景耀黃髮有子足侍養有孫足娛悅堂前綵衣舞堂上旨甘列懿德及鄉閭清風敦闕闕載誦栢舟詩永言播貞烈

贈蕭醫士

蕭子擅醫名不假藥石功以心運元氣斡旋掌握中婁

欽定四庫全書

金文靖集

十一

生嬰熱疾蕭子撫其躬默運極冥搜頃刻皆流通化熱為清涼去煩息忡忡勿藥收奇效名聲播西東報謝却金帛高誼邈難同一朝持大軸來語玉堂翁為之發佳詠浩思意無窮

贈李翊赴南京國學助教

建昌人

子昔負奇氣攜書游泮庠學成邁流輩策足馳康莊衰然拔鄉薦職教居蜀邦樂育著成績陞推闡海旁講道心靡懈善誘極周詳於茲復九載化雨深門牆既最天

官考超秩嚴詮量謂子才力優宣宜專一方分教登曹學斯文有榮光時當仲冬候旋載南京航河水凍未堅執別途路長翔風振林木鴻雁鳴且翔徘徊不能去浩歌慨以慷願言厲初志為國成俊良作詩寫朋好白首無相忘

春意圖

春陽政和煦衆卉相滋榮名花豔秀質丹霞濯朱英衆鳥意頗適雄雌相和鳴大氣流天地物物同生成因茲

欽定四庫全書

金文靖集

十一

觀至理誰能契中情

壽讓堂為德清屠生誠作

讓草樹北堂雨露日蕃滋慈母欣有托撫翫心獨怡門庭日無事鶴髮明春暉之子念母慈致養及良時朝朝具甘旨炫耀五采衣再拜獻春酒泛此黃金卮祝母多壽考千歲忘憂思歲歲對讓草願母長不衰母壽不易得子心將何為謹言與慎行戰兢當自持顯揚報母德不使聲名墮歸哉尚努力惜此光陰馳引領日相望重

來應可期

筠軒為脩誤陳舛剛乃父作

閨中有佳士儵然偉丰儀間居澹無營與世恒相遺
開軒種修竹歲久蕃且滋流雲被柯葉雨露涵幽姿清飆
振蒼玉舞鳳何委蛇直節靜相偶虛心久能持絃琴雜
宮徵曼玉聲相隨悠然發佳興觴詠無不宜幽賞諧淇
澳高風猶可希願言保貞獨歲晏以為期

陳氏竹甘露

欽定四庫全書

全文叢書

十一

猗猗淇園植羅生滿階庭夕光流素液垂茲泣瑤英灑
枝方泥泥綴葉猶盈盈當陽殊未消承風愈堅凝孰知
太和世涵澤被羣生彼媿君子者素行此其徵

萬竿烟雨圖為侍讀曾鶴齡作

平生愛佳竹常有江南情忽此見新圖玩之有餘清千
竿挺寒玉一片瀟湘青離離紫鳳梢尚與烟雲平依微
拂崖石隱約入杳冥聲雜瀑泉小色映寒溪明茆亭亞
蒼雪美韻諧琴聲旁有灌木蒙鳥雀時喧鳴秋風即搖

落突兀枝交撐獨高此君節寒暑無變更不逐桃李芳
不隨蒲柳零惟應松與柏可以同堅貞

贈顧進士讓南京刑部主事

蚤歲負超卓卑力窮書詩一朝拔高第歷試將有為秋
臺與簡擢郎署秩匪卑茲焉滯舊都聖心尤倚毗邦刑古
所重欽卹誠在茲慈祥察冤滯讞議公是非伊昔虞舜
世皋陶稱士師明刑弼至教世乃登雍熙惟子居部屬
致理誠所宜勉勉服古訓兢兢慎操持勗哉踵前烈永
天期弗隳

欽定四庫全書

全文叢書

十三

湖山佳趣為黃博士賦

屏迹慕閒曠素有高世姿結茅謝塵鞅澹然心自怡湖
光涵几席山色臨書帷游魚戲大藻好鳥鳴高枝橫琴
芳樹下濯足清澗湄開樽酌美酒揮毫賦新詩緬懷百
年內誰復同襟期一朝際休運忽與雲壑辭薦書達名
姓文采何陸離昨來居太學橫經擁皋比羣才資樂育
講授忘渴饑出處諒不偶隱顯固有時相期貴努力補

報方在茲他年謝簪紱庶以慰心思

中秋讌集分韻得九字

聖皇撫區夏省方事巡狩賽子忝侍從亦獲効奔走杪
春始駐蹕和氣動郊數良辰奉鸞馭周覽徧丘阜窮幽
撫奇秀幸免載芻糗寒暑候更換星虛已屆酉於焉屬
秋半讌會集寮友有羞列長席時果薦芳豆開尊對明
月序齒論先後顚氣滿瓊樓寒光達虛牖遙空淨纖翳
河漢斜臨斗零露浥叢蘭涼颿振疎柳盍簪有真樂飛

欽定四庫全書

金文靖集

十四

觴屢呼酒誼譁競酬酢笑語或揚时分韻各有題誰能
為擊缶鄙詞愧珠玉剗削慙無芳俛懷際休運感激恩
尤厚畢力圖補報矢心期白首忝茲諧宿好託交歲年
久切僂賴啟沃沈濯脫塵垢追陪青瑣闥出入喜相偶
旅懷頓寬釋憂思亦何有良宵興未終既醉猶攜手南
樓桂始花東園菊方茂登臨有佳約相期在重九

九日讌集分韻得駛字

良辰不易得流光疾如駛我行忝扈蹕三時留帝里候

茲屆重九朋從皆客子邀我開清讌烹羔膾鮮鯉時蔬
間棗栗羅列亦盈几紫萸汎新酒馨冽勝臘蟻喧呼熱
中腸笑談忘鄙俚酣歌引長劍光芒照秋水仰睇天宇
寬商飈颯然起候鴈屆新寒霜菊猶含蕊遙岑晚逾碧
西山淨如洗登高信非遠騁望增懸企幸茲會文飲勸
酬助深喜羣公爛詞藻清芬播蘭芷殷勤寫衷素挹拙
慙蟲技

贈友人謝繩正還新淦

欽定四庫全書

金文靖集

十五

憶我巾角初攜書侍嚴父訪君滄洲曲握手遂良晤碧
梧挺高標金蘭托深契硯席幸有託寒暄同起處朋情
謝新益麗澤愜衷素悠悠金石交歷歲年莫東西各
驅逐冠蓋何由聚南宮忝科甲青雲忽高舉叨承侍從
榮出入誠何補今春別京國北狩隨鸞馭回望南天雲
遙睇故園樹憑高謾躊躇對景增延佇君從梁宋來邂
逅慰羈旅天涯故舊情鐙前牢落趣時蔬薦辛盤肴核
侑芳醕劇談夜未央移席月當午但惜歡會難寧知別

離苦攬袂聽晨雞候此秋天曙我復趨承明君還故鄉
去鴻雁正南飛商飈動砧杵分攜五雲館翹首金臺路
望望不見君相思渺何許

蔣御醫靜學齋

伊人抱冲素而有冰雪姿齋居謝塵垢恒以靜自怡圖
書盈几案涵泳窺聖涯幽觀契玄妙斯夕忘渴饑寒暑
更代謝人事有盛衰萬變恣紛擾操存諒不移于焉企
遐軌俛與先哲期匪圖富經術復此專國醫金門振高
欽定四庫全書 金文靖集 卷一 十六

步永懷擴所施勗哉勵初志作詩效歲規

挽永嘉吳原範因其子翰林庶吉士吳志文之請
昔人志幽獨皎皎冰玉姿窮居閱今古言動無愆違力
行敦孝友耿介恒自持筆瓢澹無慮韋布聊棲遲翰墨
有餘暇吟詠多新詩懷玉匪求售末俗寧相知詎期溘
朝露遐逝竟莫追鄉閭增永歎親友含悽悲承家幸有
托顯揚方在茲太史述潛德千載昭銘詞

靜闇為黃學士尊人賦

端居謝塵鞅屏跡卧柴荆布衣樂嘉遯筆瓢澹無營幽
思契玄化冥搜觀物情神閒志先定寡欲心自寧琴尊
諧夙賞水木涵餘清簷端白雲下芳徑春草生永愜丘
園趣終辭圭組榮含光保貞固養德崇令名吾生愧擾
擾遐想尋鷗盟

分題得秋浦孤帆送友人

疾風吹入寒清霜肅天宇澄河浩漫漫抽帆上秋浦汎
汎凌雄濤搖搖轉孤嶼川途坐超忽飄飄驚鴻鷺舟子
誇利涉中流喧笑語誰識倚蓬人懸闕時延佇

欽定四庫全書

金文靖集

卷一

願庵為祭酒胡公賦

君子志古道中心常晏如一室絕塵想湛若凝冰壺幽
思契玄化靜觀識盈虛于以求所養揭願當座隅匪徒
茲口實養德與之俱閑邪靡他適步履由康衢翼翼謹
儀度周旋慎起居言寡行彌篤體胖心自舒暢情發佳
詠隨意讀古書清風在几席翰墨足自娛揮絃白雲下
酌酒鳴禽呼麗澤洽髦士咏歌追舞雩芹藻沐時雨桃

李亦芬數於焉陶聖化沛然樂有餘願茲保貞獨白首期無渝

素闇為鄒侍講仲熙賦

結髮已學道而有高世姿衡門遠氛濁韋布聊棲遲
勉事耕稼蔬食甘藿藜中年邁休運遂與林壑辭辟雍
起名譽卓為學者師超登列清要侍從職論思忠誠彌
激切耿分恒不移俛仰靡愧忤操存無外馳安行任所
適進退何委蛇圖書列左右翰墨復在茲沈潛探幽蹟
涵咏窺聖涯孔子貴知命順理無不宜孟軻養浩然力
行復何疑尚友千載士聖賢以為期

樂琴書處為沈氏則學士賦

公本布衣士世家在東吳襟懷敵水玉所樂琴與書牙
籤挿滿架中有萬卷儲潛心究墳典雋泳周孔腴矻矻
忘歲年晝夜窮卷舒興來操孤桐逸氣凌八區寒泉出
幽谷清飆汎庭除一彈復一詠沛然樂有餘棲遲三十
載仁仰恒晏如一朝去鄉里聲價重璫璵載筆青鎖闥

欽定四庫全書

金文靖集

十八

待詔承明廬光華依日月荷沐恩寵殊寡子忝侍從出

入聯珮珥朝回訪官舍文字聊足娛絃琴坐芳樹洗琰
酌清醑白鶴為起舞酣歌劇歡呼嗟彼寰中人此樂誰
能俱惟公與我輩職業儕文儒乾坤並生育雨露均涵
濡感此聖恩厚補報將焉圖願言竭忠盡白首期無渝
日省齋為駙馬趙暉賦

君子秉高志夙負水玉姿齋居靜無譁玩習書與詩兢
兢日自省名賢為之師力行務忠信跬步恐或違講授

欽定四庫全書

金文靖集

十九

資劇切寧敢懷自欺黽勉竟朝夕念茲復在茲弘毅期
遠到一息罔有虧作輟或靡常德業因以隳況乃託戚
里忠孝實所資嘉猷思獻納仰圖贊雍熙作詩匪為頌
庶以效箴規

贈孫博士致仕還豐城

孫君我鄉里十載居橋門雅志尚古道布衣振斯文羣
才資樂育仰欽博士尊講論既不竭考較良已勤小大
各有成寧復遺斧斤況聞篤義方有子才且賢伯也領

司牧季也登詞垣聯翩耀文彩宛若鸞鳳騫三朝偕際遇
涵沐雨露恩忽茲去榮養投簪賦歸田綸音重褒錫龍
章煥綬紛驪駒戒明發祖餞相攀援遙遙睇南浦江流
汎汎云桑梓故無恙松菊今尚存上堂接賓親入室撫
兒孫閒居樂有餘逍遙畢晨昏寒子荷恩遇侍從三十
春白首冒榮祿補報圖拳拳故鄉未回往中情何由宣
因茲寓長句聊以道慙慙

贈楊景衡致仕還永嘉時為福建叅政

欽定四庫全書

金文靖集

下

早歲負經術文采耀儒紳明廷忽登薦熙運逢昌辰首
選夏官屬再擢領司勳九載績稱最超遷佐名藩優優
敷治理黽勉勤諮詢歟歷三十載踐履思彌敦及茲登
七秩陳詞乞歸田聖情特允許優老懷舊人清晨別閭
闔冠蓋擁青雲絲竹沸華筵飛觴促行輪迢迢踰大河
渺渺涉長津喬林翳桑梓竹樹陰雲泉別墅日成趣猿
鶴時相親良辰集賓友諧詠樂琴尊以茲保遲暮眉壽
綿千春永言寓朋好終始期勿諼

百日懷幼子武安

爾亡忽百日無日不念爾行想爾追隨坐想爾遊戲食
想爾同棲卧想爾同被清晨送我朝未晚候我歸逢迎
與應答無不解人意如何遽天閼長往隔人世悲號徹
上蒼抱痛切肝肺骨肉恩誼深誰能即捐棄

輓鳳陽周處士

其子銓為鴻臚寺丞與子為同年進士

士有慕恬素習隱居田廬逍遙畢冬春衣食自有餘孳
孳軫窮賈積善過其圖飭躬務儉勤淑子惟詩書青雲

欽定四庫全書

金文靖集

下

起步武馭歷陟要途及茲膺茂典寵錫先親俱恩榮及
存歿封秩偕鴻臚皇天報不爽陰陽默與符銘丈屬太
史琢石崇丘墓桓桓松柏間雨露深涵濡流慶未涯涘
浩若江海儲昭茲貽後人永世期不渝

訥齋為泥田周仲升作

君子尚古道制行戒多言謹口不妄發恒以訥為先酬
酢合典則終身遠尤愆交遊重敦樸鄉里推仁賢嗟彼
囊中人辨給若濤翻往往速咎戾身名弗自全以茲貴